

# OMUKWETU

No 8

APILILI

1966

## “OYE OKWA YUMUKA!”

1Kor. 15:53-57.

“Emanya ndyoka, aatungi ye li ekelehi, olya ningi emanya lyokekuvu. Osha uuthwa kOmuwa, no sha ningi oshikumitha momemo getu. Esiku olyo tuu ndika, Omuwa kwe li ningi, tu imbeni pombanda, tu mu nyanyukilweni”, Ps.118:22-24.

Jesus okwa sindi eso nesindo lyonkalo! Satana naapiya ya nyanyukwa, Jesus sho kwa fumvikwa. Oya li ye shi lwa hulu lwa pu. Eso lyi ilaha komilungu, li shi aantu ayehe muuyuni taa kanenene. Ihe Jesus inazala olutu lweso aluke, oye oku na omwenyo gwa aluhe nomombila. Oshu uthwa kOmuwa! Mombila okwa yi

mo ongombuto yolulya, ya filwa mevi. Opwa nika mokutala eolelo, ihe omuma otayi tsipuka mo etayi koko, tayi vala oomuma odhindjidhindji.

Omwenyo gwa Jesus ogu na oonkondo dha aluhe. Oonkondo dhe sho dha thanga eso, opwa li tapa ti pwaka. Evi olya kakama. Omamanya ga tatuka. Oonkondo dhomilema dha halakanithwa po. Onyama ayihe otayi kakama. Kalunga a longo oshilongashe. Otse tu nomwenyo mu Ye. Eso kali na oonkondo oku tu kanitha, oshoka otu nomwenyo nonando tatu si. Eolelo otali tu adha kolutu, ihe oomwenyo odhi li miikololo mu Jesus.

Ondungu yeso oyo uulunde. Owo mboka tau tu pangele. Ihe uulunde owo tuu lela wa sindika esiku lyeyumuko. Oye ta dhimi po oondjo adhihe dhandje no dhoye. Epulo olya thikamena nonena onkalo ayihe yuulunde kevi, tali ti: Eso, oonkondo dhoye odhi li peni? Eyamukulo lya aluhe olyo ndi: **ESO LYA NINWA, OLYA SINDWA SHEKE!**

**KALUNGA NA HAMBELELWE, ONGUKA E TU PE ESINDANO OMOLWA JESUS KRISTUS O-MUWA GWETU!**

L. M. Shemuvalula.



*Omuyengeli a galangatitha ko emanya kombila ya Jesus, na Jesus a zi mo. Aalangeli yombila oya sa onkumamuthika.*

1. Kalunga na fimanekwe  
Nomona way' omuholike,  
Ou te shi tu wanifile.  
Halleluya haaha! Halleluya haaha!  
Halleluya!
2. Eluwa eshi la tenda  
Nombila oya yeuluka,  
Omwene okwa nyumuka.  
Halleluya haaha! Halleluya haaha!  
Halleluya!
3. Omwengeli a monika  
A popifa ovahongwa,  
Tam' kongo ou a nyumuka.  
Halleluya haaha! Halleluya haaha!  
Halleluya!
4. Okwa dja mo mefyo laye  
A dula omunaita naye,  
Ekano la ya kokule.  
Halleluya haaha! Halleluya haaha!  
Halleluya!





## OMUKUETU

Apilili 1966

### IIPONGA OYA NINGA OYINDJI

Ngashingeyi pethimbo lyetu iiponga oyi li po ya tiliganalela. Ethimbo lyolyene olya pya wo li ete shoka shu uthwa kOmushiti shi holoke. Ihe ope na wo iinima yimwe yi shi okutalwa tai endelelitha iiponga. Yimwe oyo mbika:

Aantu otaa landa unene iihauto yimwe ya kulupa nayi. lihauto mbyoka oyi na iitenda ya kulupa nenge ya yonuka molupe lwongandi. Ootheta nomagulu, ano omataiyela nootyupa olwindji odha kulupa. Oombelanga nani mwiwaka odha lika nenge dha pya mo. Oshihauto inashi kola, otashi ende tashi pegeya. Ngele tashi ka kandoma itapa kalwa.

Gumwe ota gandja omagadhi nuunntsa. Okwa nwa montaku aniwa, ye tashi umbu sha fa tashi tuka pombanda. Ota hingile komilongo odhindji nando ina pumbwa shili okwendelela. Nge tashi ka kandoma ita pa kalwa.

Gumwe ota hingi opo ti ilongo. Gumwe sho a hinga oomvula odhindji, oti inekele uuhingi we uukulu na ita kotoka we nawa. "She ku langela oshi nuunongo noku ku lya". Nge tashi kandoma itapa kalwa.


Pe niiponga yomadhipagathano. Pe na iilonga yuukolokoshi tayi longwa kaantu yomakutsi gaali. Ota ye ende yi itanta ya fa iilyani.

Ope na oondjila mOwambo oombwinayi. Ngele to hingi mo nuunntsa nenge noondunge oombihu, eso nenge iiponga otayi ku nu po. Oshike tashi ya? Ombepo ombwanawa nenge uulu? "Omwenyo ihagu tulwa poshikangwa". Ino konga oshiponga owina. Tu kotokeni shili. Ino ietha wa fa omukeenondunge. Tu kondjeni iiponga yi shonopale mutse Kalunga awike e tu pe oondunge twaa pwidhuke.

### EONGALO LA PEWA OMUFITA MUPE.

Efiku eti-9/1/1966, eongalo lo-vawambo nova Herero muWindhoek la pewa omufitaongalo mupe, Jason Haufiku ou ali nale ku Walvisbaai. Efiku olo ovakriste ovaWambo novaherero, otwa ongala pamwe mOngerki yomodolopa motundi 3 omutenya. Ongerki yetu ya li iyadi ndo!

Omushamane Pauli Laukkanen, a ninga elongelokalunga. Moshiyambelo mwa fikama omukulunhutumwa omushamane H. K. Diehl, pamwe novayakuli vaye, no poaltari pwa fikama omufitaongalo Jason Haufiku. Omushamane Diehl, moshiyambelo a lesa Iil. 18:9-10. Oye a popifa omushamane Jason ta ti: Oove oto tumwa nena u



Abraham Jakob.

### OSHOONGALELE SHOVAKWALUTHER OMUDO 1969

MuGeneva, mwa dja eenghunda na tadi ti: Oshilando WEIMAR, shi li moushilo wa Duitsland, osha hoololwa, omo mu ongale oshoongalele shehangano leengerki eenghwaLuther mounyuni. Otashi ka ongala hano olutitano muMalitsa 1969.

Etokolo eli la Weimar, ola ningwa, eshi oilyo yongongahangano ya kundafana tete novawiliki veengerki ne da German Democratic Republic = GDR, di li oilyo yongongahano na hamushanga woinima yengerki nepangelo.

life oshiunda sha kula sha Kalunga mu Windhoek. U yandjele eedi da Kalunga oikulya ya wana, noku di pa omeva mawa, nokukonga eedi odo da kanena mofuka, udi ete moshiunda. Kala omu mati omulaadi moshilonga shoye. Udi fa evangeli, popya ino mwena ove ino-tila. Omwene oku li pamwe na ove fiyo ote ku dimbula moshilonga osho eshi ku pa. Okwe mu fatululila yo nawa oupu noudjuu moshilonga shaye.

Eengudu dovanyasha da imba omaimbilo ehambelelopandulo. Konima omushamane Jason a popifa eongalo, a lesa: Kol. 3:16. Oye okwa ti: Onda pandula unene eshi nda shakenekwa komakundo mahapu omeendjovo da Kalunga, nda pewa nena meongalo eli. Onda dimbulukwa nawa omakundo aa, oo oshapi yokupatulula omuvelo, ndi shiive okutameka oshilonga meongalo eli. Onghe ihai dulu okulonga ame andike, ndele otu nokulongafane ni nokuyambididafana nokupukululafana.

Ngashi Aaron, na Hur, va yelulile omaoko a Moses pombada, novaIsrael va findana molwodi loita, osho yo nanye yambidideni nge yo mo maoko nge handi loloka onomailikano eni. Pehulilo omushamane Diehl a pandula unene, a tumbula ehafo laye omolwoukumwe nomolwoumwainafana wa dalwa meitavelo tau monika shili meengerki detu.

Oye a popifa yo omukulukadi womufitaongalo meme Justina nokwe mu halele eyambeko lOmwene pamwe nounona vaye. Omwene Jesus oye na yambeke ashishe tashi longwa komu-mati waye, shi tunge eongalo letu.

Abraham Jakob.

### OMUMWAMEME INA FYA OKU NA OMWENYO

Ame Henrik Benjamin, ndi na eedula 77. Pashiwana ame omutakumi. Onda li omukalele womuhongi tatekulu Nakambale.

Onda kundana kutya, omumwameme Johanna a hulifa po oweenda waye. Paife onda kulupa, ngeno hai fikama pombila yomumwameme ou. Ovawambo ovakwetu novatumwa novatakumi ovakwetu, ovo mu li ko twa li meumbo la Nakambalekanene, Omwene ne mu hekeleke, ee. Omumwameme ina fya oku na omwenyo muKristus Jesus.



## OMAGANO GOMUNONA MEGUMBO

Omagumbo ge na aanona, aakuluntu ohaa kala ye na enyanyu nombili. Mokutala aanona yawo oyo yi itala aanelago ye vule aantu yalwe, nolwindji oyo ohaa hambelele Kalunga omolu omagano ngoka Omuwage ya pa omanene.

Aakuluntu yamwe taa pewa omagano omunona oshilema nenge ethithi, ihe natango tuu oyo otaa hambelele naanaa ngashi aakulu yonale e taa ti: Oshilema shi vule ombila, omuposi keelela puusila waantu waa like po. Osho omunona kehe ta holoka muuyuni, oye omagano omanene kaakuluntu oonakuvala mbo, nando ngoye ito shi dhimbulula naanaa unene.

Tala kuume, natu tale nee egumbo lyaa na omagano gomunona hee, tala nee taa! Aakuluntu mbaka ya fa ya dhimbwa Omuwa Kalunga omugandji gwomagano. Omukulukadhi oye te eta tango oohapu momusamane gwe tadhi ti: Ngoye omulumentu u-

nene, o, egumbo ndika twa mono otali pumbwa shili egalikaneno Kalunga e li pe omagano gomunona, opo lyaa halakane po. Tala kuume, ngele inamu pewa omagano moondjokana dheni, inamu tamanana we, ngoye kuume u li po manga omugundjuka omumati nenge omukadhona, kotokela elaka lyoye. Lesha oohapu dha Kalunga nokugalikana, u pewe ku Tate omugandji omunene. Lesha 1 Sam. 1: 1 - 17.

Shoka tashi nyenge aantu, Kalunga itashi mu nyenge molwasho oye iha nyengwa kusha. Moses 17: 15 17. Ino kambadhala we nongashi ino ka kambadhala nando nuunganga wopashiwambo, hoka oto ka mona owala omafundjaleko ogendji gi ili no gi ili noohapu dhaa nekwatho: Omitima, oshike shike, aae, tala kuume galikana Omuwa ote ku uvu shili. Ino tula omwenyo gwoye momalimbililo. Moses 25: 20- 21. Megalikano ohamu zi omagano ga gwange vule shoka to kongo ngoye mwenne. Mat. 7: 7- 11.

Johannes Gueendama

## OSHIPONGA SHEIMANGELEKO

Oshiponga shokwiidhipaga pamukalo gokwiimangeleka, ohashi holoka olwindji mokati ketu. Osho 4/2/66, mOshitundu mUukuambi, omuntu gumwe okwi imangeleka. Okwi idhipaga omolwoombudhi dhegumbo lye momukunda gwawo.

Ngoka ti idhipaga mwene na ngoka u nedhiladhilo lya tya ngaaka montulo yoye, tseye oto ningi shoka sha pingathana nehalo lya Kalunga. Ino shi yelekela. Shika osha tseyithwa komuyevangeliste Petrus Eelu, gwoku Elim.

## Ounongo womalaka

Onguduwiliki yelaka lovadalelwamo (inboorlingtaalraad) oya teelela moshongalele shayo tashi landula muMai, i yandje omhango yopaveta mukulongifa omalaka ovabanhu vomuSuidwes: Oshindonga, Oshikwanyama, Oshikavango na na pamwe yo Oshisherero. Ope na yo eteelelo kutya, otai ka ufa yo eemhango dokulongifa momwaalu meeskola edi dinini (laer skole).



Omuyevangeliste Petrus Eelu ngoka a hokolola oshiponga sheimangeleko.

## Ongwe onenenene oya kwatwa mu Suidwes

Ongwe onene muuyuni, ondumentu ya vihwa ootona 233, oya kwatwa omwedhi gwa zi ko pofaalama Valencia, mopeleka ya Venduka. Oya kwa-

## MOKUTSAKANEKA JESUS

Muuyuni auhe edhina ndika Jesus ta li uvithilwa aakuuyuni pamikalo odhindji. Mokuuvithwa kwedhina Jesus, taku monika aakani oyendji. Aakani yagaluka mo momithitu dhomilema dhuuyuni mbuka. Oyendji yomuyo tatu ya mono nomeho getu, nkene taa ligo-lele Kalunga noondjimbo, moongundu mbimbeli nomiigongi.

The okwaadha sigo ompoka omutsakaneni na Jesus e li ihaku patulukile oyendji yomuuyuni mbuka. Aatsakaneki ya Jesus oya makele ipewahenda oyindji yomuule. Mu ngoka mu na Jesus ote mu longitha pamikalo inadhi tegelelwa kondunge, dhaantu. Kuume! owa tsakanena tuu shili na Jesus muukriste woye? Shaa we mu tsakaneneke, tashi iholola shito.

Oskar M. Shamhe

## TU VULIKE NOKAAPAGANI

Ngashingeyi aakriste oyendji otatu teya unene oondjokana. Yamwe ihaa adha we nokoomvula mbali. Taleni sho tu vulike kookuku mboka ya fukala moongoma. Ohaa kokele pamwe sigo omuukulupelela. Ogwo omukalo gwawo omukulu, nando mu na wo nga omahengathano.

Otwa pewa oshipango: "Sha tulwa kumwe ku Kalunga, inashi kuthwa kumwe komuntu."

Jason Titus

## EENDELELO LOISHINGOMWA LI NOKUKALA EEMAILA 70 KOVILI (70 m. p. u.)

Eendelelo loihauto meendjila adisho dopondje yoilando muSuidwes alishe, otali kala eemaila 70 kovili. Ha umwe nande a shinge vali sha pitilila opo. Eshi sha popiwa komuhona, dr. J. W. Brandt, moshongalele shepangelo leendjila.

Dr. Brandt okwa shiivifa yo kutya, mu Suidwes kamu na manga eendjila da wana eendelelo li dule opo, onghe keshe nakushinga e na okudulika koveta ei, opo oiponga i kandulwe po.


twa ku mwene gwofaalama, omusamane A. F. Port. Ngashingeyi oyi li moshigunda pofaalama tuu ndjoka tayi dheulwa. Mu Mai ngele ya dheulwa, otayi ka falwa kEtotha popepi nokamba Halali, opo mboka haa talele po iiyamakuti ya wape oku yi mona.



# OSHIKOLOLO SHEGUMBO



*Meme, ondhikwa yoye nayi yogwe aluhe, inayi nigila. Nayi hondjwe wo nawa!*



oka kumbyatha



othewa




Okulongekidha iinima tashi ku etele anyanyu.

**MOSHIWAMBO** omu neyeletumbulo: "Omuntu iha tende ondhikwa ye inaa vala." Edhiladhilo ndika olya zi muupagani. Oomeme muuyuni auhe otaa longekidha iinima yokanona manga ye li metegelelo. Kape na nando oshidhila musho. Nangoye wo to vulu okulongekidha iinima yokanona ngashi:

uuhema uushona	3	oshiyaha shokuyogela mo	1
uulapi	4 -6	oshihanduke	1
okambete	1	othewa (ngashi sunlight)	1
uulakana	4	omagadhi goontanga inaga tulwa sha	
okakumbyatha	1	okawiwili	1
okatalashe komwidhi	1		

okambanza (okaplastiki) okugamena okatalashe kaa tute owala.


Tashi vulika naanaa, u longithe oshiyata oshikulu wo; sho to ningi uulapi. Uuhema to u hondjo moshiyata oshipu, kashi nombapa. Okambete to ka tungu ngashi oshimbamba. To hondjele kumwe uulapi woshiyata (shoohema) u ninge okakumbyatha. To landa oshiyaha shokuyogela mo shaa longithwe palwe, ihe mokuyoga okahanona ashike. Nawa, ngele to vulu okulanda okawiwili okusiikila okambete, opo okanona kaa like koomwe nenge koonchi.



okambete




okahema



okalapi



oshiyaha



okalakana





*Mombila ya Jesus mwa kuutumba aayengeli yaali. Pondje pwa thikama Maria ta lili. Maria a punguluka e ta mono Jesus.*

## Okwilikanenafana oko akuke taku kwafa

Ofye atushe, ovanashilonga shomepya lOmwene, ohatu pumbwa shili okwilikanenwa, opo Kalunga mwene a pe ovamati vaye ouladi. Osheshi okukala mokati kovanhu osho oshinima shidjuu shili, na unene ovanashilonga ova djuupalelwa mokukala molonganga yavo. Otava pumbwa shili ovalikaneni, opo tuu va mone eenghono defiku keshe mokulonga kwavo.

Ndele mokukala kwetu onda tala pamwe oshilonga eshi shouhakuli oshidjuu unene hano, nomolwasho ovahakuli ve na unene okukalamwenyo kudjuu shili. Ovahakuli otava longo oilonga yavo omutenya noufiku vehe na edimbuko. Ndele nande ongaha oto udu omangungutulo mahapu movanhu. Ovanaudu mokutala kwavo ova fa inava koneka oudjuu woshilonga shouhakuli, nomolwaasho ovanaudu hava popi nai ovahakuli. Umwe okuwete ita hakulwa diva, ovanhu ove li ashike penya tava yolo, nande ye okwe ya ongula, itave mu pe omuti a ye. A, tala kaume, efiku limwe okakalata koye ota ka konaakonwa natango komundohotola, ino handukila ovahakuli voye oshima, oku ove va ama.

Mokutala kovahakuli konyala ova diladila kutya, oh! ovahakuli oha-

va tukile ovanhu owina noku va umba omalaka mai. Ahowe kaume, ino diladila nande ngaho! Shaa tuu efiku limwe wa umbwa elaka lii, ino tya omunhu okwe shi hala, ayee, nande ohaluka ashike molu enyeme. Pamwe eshi we ya po we mu popifa omahweva, ile opo ta di kumukweni e mu popya nayi. Omupya nee woye, ohaluka ine ku nyamukula nawa. Tala, tatekulu, meekulu, tate, meme, ovamwameme amushe nande onde ku ula nayi efiku limwe ayee, inandi hala nande oku shi ninga, nokonima ohandi li pe ombedi divadiva kutya, oh! onda nyamukula ngahelipi omunhu winya vakwetu. Fiku limwe nge owa zluka oto hange oshipala shange shina ombili nohandi ku popifa nawa.

Heeno, ovaholike muJesus Kristus, ehalo letu ovahakuli oleli, tu mu yakule nombili nehafo, nononghenda yo. Owii nande ohatu mu ningile shili ayee, halo elalakano letu nande, omolu oonyengwi ashike shili. Twa hala okuhakula omalutu eni neemwenyo yo. Tu ilikaneneni fye onunona veni opamwe noomeme nootate moshilonga shouhakuli. Tate Kalunga mwene e tu pe eendunge neemwenyo di shii okulididimikila omaudjuu aeshe moshilonga eshi shaye shinene shili. Fye vene katu na eenghono, onghe ohandi mu indile shili mu he tu dimbwe nande momailikano eni.

M.-Maano Shililifa.

## NATANGO EKAKAMO LEDU OTALI ETA EFYO

Moshilando Bundibugyo, shomu Uganda lokouninginino, omwa dja eenghundana tadi ti: Ekakamo ledu ola piyaanifa oshilando osho. Nefyo ola

hapupala eshi ekakamo ledu la kala nokutwikila.

Ovapolfi va popya kutya, ovanhu ve dule 100 ova fya. Ovanhu vamwe tava endaenda, shaashi omaumbo avo a tekauka po kekakamo nomatungilo mahapu a nyonauka po.

## “OMUKWETU”

Okafo kawa keenghundana, Okapeko ka fimana komilombo, Ka ninga oiwana ongudu imwe Ka paka vokokule pamwe na ava vopopepi.

Luhapu twa kwatwa kohokwe moku ka le sha, Shashi mu ko twa mona omapuniko, Omalitwomikumomo omo twaa mona muko Nomalondwelo koiponga “Omukwetu” e tu shiivifa.

Paife oye oku li po oradio yakula, Osheshi keshe shimwe ta lombwele ovanhu, Keembinga adishe nhee dOwambo te litumbula ta ti: Aame mutwe wa aishe.

Kwaava inave mu limonena, A fa e va tala ngovapofi, A ti kwaaveshe: “Kuu” Voo ve mu konge ve mu limonene.

Mu limonena hano paife fimbo a kena, Endelega hano manga ta monika, Osheshi fiku to ke mu hala ove to ti: “Ila!” “Omukwetu” to ka hanga ta ti: A, lafwa!

Oskar Nd. Haludilu.

## OMBIBELI MUKONGO

Oshitayi shehangano lOmbibeli mukongo, Leopoldville, modula 1965 ola tandavelifa oinyolwa iyapuki, omambo e dule omiliyoni, oo omuvalu munene wa monika lwotete metandavelifo lomambo mwAfrika. Eumbo linene lombibeli muLeopoldville, otali hovele okulongifwa 12 a Desemba nolo tali ka twikila etandavelifo lOmbibeli.

## Aasolotati yomu Suid - Afrika oya hala ya ka kondje mu Vietnam

Moshilando Saigon, mwa zi onkundana kutya, aasolotati yomu Suid - Afrika, mboka ya li wo miita yomu Kongo, oye li mu Suid - Afrika yi ilongekidha, ya ka kondje wo miita ya Suid - Vietnam. Shika sha tseyithwa kepangelo lyokugamena lya Suid - Vietnam.

Aasolotati mbaka ye li po 600 aniwa, oya pyokoka nawa okulwa, sho ya li nale miita yaaFransa mu Indo-China, Korea na Algeria.



## Ovalongwa vavali vokuEmaus

Pokati komukunda Emaus noshilando Jerusalem ope noikako 60. Mondjila tuu oyo ovalongwa vavali ova li tava ende mo.

“Otamu kundafana shike mokwenda kweni?” Jesus e va pula. Ovo ova pakalala. “Oove auke omunailongo mu Jerusalem? Ino uda eshi sha ningwa?” umwe Kleopas a popya, a fa e neonya koshipala. “Openi wa dja ino kundana eshi sha ningwa?” osho va pula Jesus. Inave mu dimbulukwa manga. Inava itavela.

Ova li va tila nde va limbililwa. Poshililo apeke ove mu dimbulukwa. Opo omesho avo a pashuka. Owe mu itavela tuu? Ile owa limbililwa? Mu ifana meilikano e ku lihololele, kundafana na ye, nena oto ke mu dimbulukwa.



*Aalongwa yaali ya li  
taa yi ku Emaus. Je-  
sus okwi iholola kuyo.*

### OSKOLA IPE YOMBIBELI MUJAPAN

Moshilando Osaka muJapan, konyala ovanhu 2,600 otava kala okafimbo moskola (course) yokukonakona Ombibeli. Eshiiwifo eli ola tandavelifwa moshifo sheenghundana shoshilongo.

### OMBIBELI OYO EMBO HALI LANDWA NAWA MU SUID AFRIKA

Ombibeli oyo embo alike hali landwa nawa muSuid Afrika. Eshi osha monika pamivalulandifopo dEhangano lOmbibeli la Suid Afrika na Mbibelihangano la Britanje. Omudo wa ya elandifepo ola li omambo 849, 584, nehapupalo epelesenda 16.

Ehangano lOmbibeli paife otali yandje Ombibeli momalaka ovalaule 60. Omudo wa ya eengerki domuSuid Afrika oda yandja R316,000 ketandavelifo lOmbibeli (Bible distribution).

### Onyakanyaka ye eta eso

MUukwambi mOwambo, omuwiliki gwa SWAPO (South West Africa People's Organisation), Leo Shoopala, okwa yahwa kelenga nokwa si. Omuwambo gumwe ishewe omulumentu a lemanekwa wo mpoka. Inaku landula we uupyakadhi wa sha.

### OVASUOMI OHAVA LANDE NAWA EEMBIBELI

Eenghundana domuHelsinki, muFinland, otadi ti: Ombibeli nEtestamenti Lipe, okwa landifwa nawa omapa 14 muFinland shi dulife. Eshi sha popiwa kEhangano lOmbibeli lovasuomi (Finnish Bible Society).

Etandavelifo lOmbibeli mounyuni aushe oli li po 8,000,000 kodula, ndelene ovasuomi 4,500,000 ohava lande omambo 150,000.

### OVAPOFI OVE NA OUDJU NOIMALIWA IPE.

Ovapofi otava nyengwa okuyoolola pokati ka 20c netatasenda. Aisho oi na omingenge da faafana nudju u fike pamwe. Eyooloko layo otali ya ashike kanini mounene, ndele itali kufwa mo naana kepamhadalo.

Hano, oshinima eshi osha kundafanwa ne mu Pretoria molu eindilo la dja mu Port Elizabeth. Kohainga etelelo olo eli, etatasenda li ka kale nomungenge wa fa wofilinga, ndele onganga nee sha twalwa hautete momatwi Epangelo.

**MENYUMUKO LA JESUS KOUFI,  
ETONDAFANO NOMATUKAUKO,  
OKWA TEKA PO!**

## EPANDULO

Otse iilyo yomegongalo lyOkankolo, otatu holola epandulo molwa Tate Kalunga, sho e hole uuyuni. Otwa pewa olamba omagano, iimaliwa oya gandjwa kaamati aakankolo. Ohole ya Kalunga otatu yi mono mOmwana Jesus Kristus, ondjambo yetu. Sho twa kanitha ohole ya Tate, otse aanangunga okuza ku kuku Adam na Eva. Ohole ya holo-ka moohapu, opo tse tu mangeluke mokwaahola, tu kale tu ku hole.

Omuntu ngele a longelwa oshinima oshiwana, nena ngonon e shi mu longele omeho nomakutsi ge otaga tala e taga pulakene nkene ta pandula. Nakupewa ngele ita pandula, oye e nongunga yepandulo. Otse, egongalo lyOkankolo, tatu ti: Yaloo, ndangi, aamati yetu!

L. Shongolo, Okankolo.

### OVALAULE OTAVA KA SHUNA MOMADU AVO.

Omushamane Cas Greyling, okwa eta ediladilo kutya, ovalaule otava ka dja momadu oilumbu, nokushuna momadu avo, omo tamu ka kala oilonga ihapuhapu. ONasionale Party oya itavela kutya, oukommunisme otatu ka kondjifwa, osheshi ovanhu aveshe otava ka kala nombili meenhele davo.



# OUNYUNI OTAU TONGO SHIKE

## Omafaneke ou- kalinawa a udi- fwa kungolo- neya

Omushamane W. C. du Plessis, ngoloneya ya Suidwes, okwa udifa omafiku aa ngaha:

Moipangelo muSuidwes, omu na eembete 12.9 keyovi keshe lovatilyane na 8.6 keyovi keshe lovalaule ve li muSuidwes.

Ngoloneya okwa popya vali ta ti: "Elalakano lepangelo paife olo okwenhenifa komesho oshilonga shouhaku." Kombinga yOwambo okwa ti: "Oshihakulilo shotete shepangelo mOwambo mOshakati, otashi tameke oilonga yasho diva momudo ou. Osho tashi kala omutwe woipangelo ikwao, omo aveshe ve nomaudu taa nyengana tava twalwa. Oshipangelo sha Runtu sheembete 90, otashi tungwa nde tashi pu pehulilo lodula ei."

## DE GAULLE NA MOHAM- MED KAYI IWETE NAWA

General de Gaulle gwa Frankryk na General Mohammed Oufiker gwa Maroko, oyi ikutha po, oshoka De Gaulle okwa limbililwa koochedhi dha Maroko. De Gaulle okwa tala kutya, mukwawo okwa fa te mu kala poonyugu nota tumu aapolosi yomatanga moshilongo she.

Omolu omikalo dha tya ngeyi, De Gaulle okwa gee nokwi ithana ko omupeha gwoshilongo she ku Maroko.

## Aashawana taa ka kwathwa kehangano lya Amerika

Omolwa oluteni lwa hepeke oshilongo shaaShawana, ehangano lya Amerika lyokukwatha miigwana ayihe, olya tumbula, tali ka gandja otona dhiikulya dhi vule 6,000.

Pa tseyitho okwa talwa kutya, aashawana ye vule 105,000 taa ka opalelwa kekwa tho ndika notali ka gandjwa metonatelo lyoshitopolwa sha V.V.O, oku li taandelitha.

## AMERIKA TALI KWAFWA TANZANIA MOILONGA YONDJILA

MuAmerika omwa shainwa paife eembapila deenhokolwa doimaliwa, okukwafa oilonga yolutenda tai longwa muTanzania. Ondjila ei otai yuka muZambia noyo oyokwendifa omahooli, nge taa twalwa muZambia.

## RUSLAND INALI HAFELA SUID-AFRIKA

Epangelo la Rusland ola tokola okukwafa nokukoleka onghatu keshe yokukondjifa nokuteya po epangelo la Suid-Afrika muSuidwes. Ola shangela oiwana ya hangana ombapila yefatululo lomadiladilo avo. Ombapila ei oya shiivifwa apeshe noya yuka moshongalele shinene shoiwana (General Assembly) muAmerika.

## OUNONA VATANO VA DA- LWA MUSUID - AFRIKA

Olwotete eshi muSuid - Afrika mwa dalwa epasha lounona vatano, va dalwa aveshe ve na omwenyo.

Omukulukadi omubanhu, Nogesi, okwa dala ounona 5 pefimbo longula. Aveshe kumwe ova li noudjuu eefunda 23 na 80 onse. Ova twalwa diva moshipangelo Mount Frere, popepi na Oos - London. Nekulu ou oku li nawa nounona vaye aveshe otava kulua nawa.

## OMAYOKA 4,000 IIKULYA YAWO

MuHongkong, aantu pethimbo ndika otaa gongele omayoka ge thike 4,000 mesiku.

Omayoka ogendji ohaga zi mu China noga talwa kutya, ogo iikulya iitoye nomiti dhuukolele.

litelekela yaantu yethike 10 nenge 12 yomayoka, otayi gu R20.

## YA YAHWA MEDHA- NO LYOONGOMBE

Omukwaniilwa Eliaser Namupala Elifas mOndonga, okwa li moshithi shedhano lyoongombe dhe. Ondjembo oyu umbu noye mu yaha montulo nokwa si esiku tuu ndyoka. Oholo ya kwata wo gumwe Johannes Nepe nda Shatiua, e li moshipangelo ngashingeyi. Oshiponga shika osha halutha aantu.

## MOMAHOGOLOLO OYA SINDANA

Mu Suidwes nomu Republika ya Suid-Afrika, omwa kala pehulilo lya Malitsa omahogololo giilyopangeli. Oya kala ngonale pokati koongundu ndhika Nasionale Party = N. P. na Verenigde Nasionale Party = V. N. P., ndjoka mu Suidwes ya lukwa Verenigde Nasionale Suidwes Party = V. N. S. W. P. Ongundu ya Dr. Verwoerd, ano N. P. oya sindana, tashi ti omusamane Verwoerd oye nga e li koshipundi. Omahogololo ngaka oga ningwa shili nuupenda unene.

Mu England mwa zi oonkundana kutya, omwa kala wo omahogololo nga ngaka na omusamane Wilson, omuministeli gwa England, oye natango a gwini, ano oye natango e li koshipundi.

## OPU NA ELINEEKELO OKU- MONA OMAHOOLI MUKAAP

Ope na einkelelo, ku monike omahooli pofaalama imwe i li eemaila 55 okudja kuBeaufort-Wes. Onghe epangelo la Suid - Afrika ola mbestela omboolamashina inene yokumboola moule medu mokukonga mo omahooli.

## OMATULILO GA SIMANA MU SUID-AFRIKA

Etengeneko kutya, Walvisbaai tashi ka vula Oos-London muunene nomoshihelulilo sha simana kolukadhi wa Afrika, inali tsakana manga.

Ngashingeyi ihelulilo ya simana oyo: Durban, Kaapstad na Port Elizabeth palandulathano ndika, ano okutameka koshinene sigo okoshishona.

## ELAKA LIPE LOSHIKWANGHALA

Omushamane Oswin Köhler, omuhongi wopombada momalaka ovalaule va Afrika, okwa holola po embo loitya (woordeboek) loshikwanghala shombinga (dialek) ya "Khoe". Omalaka ovakwanghala omadjuu, ndele omushamane ou omundowishi okwa findana nepandulo moshilonga eshi.

Ovakwanghala ova-khoe ove fike po 500 nelaka lavo ohali kwelengedja la wapalela ouhumba. Omuhongi ou ngenge ta popi oshikwanghala osho oshi-khoe, ongashi ta popi elaka la ina.



# AALESHI TAA NYOLA

## Kotokela okuhinga kwoye

Eso lyetu oli li popepi. Iihauto mOvenduka otayi lyata aantu ethimbo nethimbo. Kotoka ngele to ya mo. Kotokela aluhe iihauto mokupingathana nayo. Na ngame wo omuhingi mOvenduka, ihe nda mono iiponga oyi li lela popepi mokuhinga. Tu dhimbulukweni, otse katu na mpaka egumbo tali kalelele ihe: Egumbo ndika ewanawa otu li na megulu. J. Nakale Thomas, oye a hokolola ngeyi.

H. N. Shikongo, mOvenduka, okwa gandja omakundilo kaaleshi yOmukwetu ta ti: "Aakwetu ne amuhe naagundjuka yomehalakano, kaleni mwa tonata. Oombwetelo dheni dhi mangeni. Oolamba dheni dhi udhithe ni omahooli, oshoka katu shi esiku taku ti kolokoto. Aanelago oyo mboka Omuwa te ya adha ya tonata.


M. Kaukameni Gabriel, Ongandjera, ota ti: Mboka twa mona ompito okukala omutumba miipundi yoskola, otse aanelago. Tu dhiginineni ano shili iilongwa, opo tu ka kwathe komeho.

Sakaria N. Hamukuaja, ota kumaida ngaha: "Dimbuluka efiku lomambo u li yapule," (oshipango 3). Ino longa moshondaha. Nge to i komambo, ino hulila pokunwa nde to shuna ino fika vali kongerki.

Fanuel Hainghumbi, Eenhana, ota popi kombinga yoivalongi tava pumbiwa mepya lOmwenene ta ti: Ve li momulaulu? Heeno! Ewi tali ti: "Olyelye ou handi tumu?" Oto teelwa u nyamukule: "Ame ou tume nge."

Tomas Iijambo, Durban, ota kumagidha ngeyi: Onda kala ethimbo ele moshipangelo, tandi pangwa omukithi gwa TB. Ondi mwenenene negundjilo nokuvulika komalombwelo gondokotola. Ngashingeyi ondi li nawalala.

Ano kuume to alukwa TB, ngele wa yi moshipangelo, ino ninga omanganga, ino kulukuta. Pulakena na vulika ku kehe elombwelo lyaapangi. Nando okupangwa kwoye otaku pula omimvo odhindji, mwena thilu e to pangwa sigo wa aluka. Oshili oto alukalala.



Nakale Thomas

M. A. Mhanda, Transvaal, ota nyenyetele oshiponga shokulitula moikunwa ta ti: Oikunwa oyo eyoka, oyo ongwewe, oyo oshishunduli shomunhu.

Mhanda ta nyenyeta yo edipao la tana paife ta ti: Ove u na ediladilo lokudipaa, koneka okwa tiwa: Omudipai ke na omwenyo waalushe ou tau kalamuye.

JEKONIA DANIEL, Windhoek, ota ti ngaha: Ovakwetu mu li mehalakano nopeenhele di lili, dileni omahooli meelamba deni osheshi Omwene oku li popepi.

Jekonia ota hambelele yo Kalunga, osheshi evangeli konyala la fika apeshepeshe mounyuni.

FESTUS ELIA, ta kundifa ta ti: Dimbulukweni, amushe ovo mwa shashelwa muJesus, omwa djala Kristus. Kamu shi vali ovanailongo novakambakani, onye ovana. Endeni hano ngashi shili ovana.

J. A. Kambueshe, Swakopmund, ota lombwele mboka haa tumu iipakete kongushe ngashika mOwambo, ya nyole nawa oadressa dhaataambi. Okwa ti: Ngele ku shi kunyola nawa ngoye mwene, pamwe oho nyola to mbanyagula, ino sa ohoni okufala komukweni nguka e shi kunyola nawa, oye e ku nyolele. Inima oyindji ohayi kana ihe omolwokunyola kwoyendji okwinayi. Gumwe peha lyokunyola Oneputa ota nyola Onipita nenge ta nyola Oshigambi peha lyOshigambo. Tonateni shili.

Israel N. Neumbo, Windhoek, ota shanga ngeyi: Omuwa Jesus a ti: Kehe ngoka a hala omwenyo, ni idhimbikye ye mwene ye na landule ndje, ni itsike omushigakano gwe omasiku agehe. Ongoka te shi ningi, ota kala mu ngame na ngame mu ye.

J. J. Nambuanga, Okahandja, ota ti: Tu lungameni oimaliwa. Oye tu nyekeneni eendunge. Moku i hola twa fa twa pwila mo fiyo oluhwiki. Tu konekeni, aische tai ningwa paife oya hunganekwa nale. Tu lesheni eembibeli detu tu pukulukeni nawa.

N. Jeremia, Windhoek, ota ti: Ongoka ta kunu muuluya, ota teya wo nuuluya. Ngoka ta kunu nuupenda, ota teya wo oshindji. Kehe ngoka na gandje ngashi ehala lyomwenyo gwe tali mu pe.

Erkki M. Kamati, Windhoek, ota kumike aaleshi yOmukwetu, aauvithi naatumwa naanashilonga ayehe, ya popye oohapu dha Kalunga yaa nuumbanda. Omuwa Jesus oku li pamwe na ne aluhe!

Michael Shaanika, Tsumeb, ota nyola ngeyi: Omuuvithi ohu uvithile aantu mboka taye ya komambo. Omuhugili wo oha hugile ndhoka tadhi ya ketemba. Ngoka ihe ya komambo, nenge ongombe ndjoka ihayi ya kunwa ketemba, oya ninga okapundja, okaholongo komokuti. Osho aagundjuka oyendji ye li ngaaka muukakomboilitha. Aawe, inashi kala ngaaka.

Josef Hijolua, Gobabis, ota hokolola eso lya pindjala niiponga ya langela omalutu gaantu ethimbo kehe. Ta popi wo aamati mboka haa langele ooyakwawo ye ya dhipage ta ti: Esiku lyOmuwa otali ya ngepathimo kombanda yaayehe ya tangalala.

Paulus Kalulu, Tsumeb, ota ti: Tu gongaleni poohapu dha Kalunga. Pii-tuthi yimwe ohatu gongala nawa, ihe poohapu dha Kalunga ohatu yi ko tatu pilaukapilauka. Tu gongaleni nuupenda, tu kondjele Omuwa gwetu.

FINSE SENDINGDRUKKERY  
ONIIPA  
OVAMBOLAND